

# Pakatan sulit PAS dan DAP pecahkan undi Melayu



DR. MAHATHIR

KUALA LUMPUR, Sabtu — Dato Seri Dr. Mahathir Mohamad berkata, ada bukti-bukti menunjukkan pakatan sulit antara PAS dan DAP untuk memecahkan undi Melayu dibuat sejak pilihanraya umum 1969.

Pakatan seumpama itu katanya, berlaku lagi dalam pilihanraya umum ini untuk tujuan yang sama.

Katanya, Barisan Nasional dan UMNO sedang membuat analisa tentang pakatan sulit itu dan buktinya akan ditunjukkan kepada rakyat bila tiba masanya.

Beliau menyebut demikian kepada soalan para pemberita dalam satu sidang akhbar khas yang diadakan oleh Perdana Menteri, Datuk Hussein Onn bagi memperkenalkan Manifesto Barisan Nasional, di Ibu pejabat UMNO Malaysia, di sini hari ini.

Timbangan Perdana Menteri menisfikan Yang Dipertua Agung PAS, Datuk Asri Haji Muda dan Setiausaha Agung DAP, Encik Lim Kit Siang sebagai tokoh yang tidak berperinsip.

Kata Dato Serw Dr. Mahathir, berpindah Datuk Asri dan Encik Lim bertanding dalam pilihanraya umum kali ini dari kawasan lamanya membuktikan kenyataannya itu.

Katanya, seseorang tokoh politik yang hanya berjuang untuk menang kerul dalam pilihanraya, dia akan pindah ke mana sahaja yang difikirkannya boleh mencapai kemenangan.

"Tetapi kalau seseorang tokoh yang benar-benar memperjuangkan kepentingan rakyat dan negara, ia tidak akan lari dan tetap bertanding di kawasan lamanya," ujar beliau.

Kepada soalan lain, Dato Seri Dr. Mahathir berkata, "kita tidak boleh mengambil tindakan apa-apa ke atas parti-parti pembangkang yang menimbulkan soal-soal pelajaran dalam kempen-kempen pilihanrayanya."

Katanya, Kerajaan berharap soal-soal pelajaran tidak dibangkitkan dalam pilihanraya kali ini.

"Dalam pilihanraya seperti sekarang, salammat kita bukan hendak menimbulkan soal sensitif, tetapi hendak membentuk kerajaan," ujarnya.

Menurut Dato Seri Dr. Mahathir, sukar bagi parti-parti pembangkang yang selalu menimbulkan soal sensitif untuk memerintah Malaysia kalau ia menang dalam pilihanraya, kerana parti-parti yang menjadi pembangkang ketika itu juga akan menimbulkan perkara-perkara sensitif.